

UGOVOR

o nabavci računarske opreme

Zaključen između:

1. JU Arhiv Tuzlanskog kantona, Franje Ledera br. 1, 75000 Tuzla, ID broj 4209473570000, kojeg zastupa mr. sc. Omer Zulić, v.d. direktor (u daljem tekstu: **Naručilac**) i
2. „NEUTRINO“ d.o.o Tuzla, Klosterska 30, 75000 Tuzla, ID broj 4209103050007, kojeg zastupa direktor Mario Zovko (u daljem tekstu **Dobavljač**)

Član 1.

Predmet Ugovora je nabavka računarske opreme za potrebe Naručioca, a u skladu sa zahtjevom za dostavu ponuda i ponudom Dobavljača, koja je sastavni dio ovog ugovora.

Član 2.

Ukupna cijena za računarsku opremu iz člana 1. ovog ugovora, u skladu sa ponudom Dobavljača, iznosi 4.239,95 KM bez PDV-a, odnosno 4.960,74 KM sa uračunatim PDV-om.

Član 3.

Dobavljač se obavezuje da Naručiocu isporuči robu specificiranu članom 1. ovog ugovora, a Naručilac će plaćanje robe vršiti u zakonom predviđenom roku trezorskog načina plaćanja, računajući od dana ispostave računa o izvršenoj isporuci robe od strane Dobavljača. Plaćanje će se vršiti putem Trezora Ministarstva finansija Tuzlanskog kantona.

Član 4.

Vrsta, količina i cijena robe utvrđena je zahtjevom za dostavu ponuda i ponudom Dobavljača sa preciziranim cijenama datim od strane Dobavljača, a što čini sastavni dio ovog ugovora.

Član 5.

Dobavljač se obavezuje da će robu isporučiti u roku od 15 (petnaest) dana od dana prijema narudžbenice za predmetnu robu.

Član 6.

Ukoliko se u toku ili po izvršenju nabavke kod robe iz člana 1. ovog ugovora utvrde manjkavosti, Dobavljač je dužan iste otkloniti u što kraćem roku, a ne duže od 15 (petnaest) dana.

Član 7.

Odredbe ovog ugovora ne mogu se mijenjati nakon njegovog zaključenja.

Član 8.

Na ostala prava i obaveze ugovornih strana, koje nisu regulisane ovim ugovorom, primjenjivat će se odredbe Zakona o obligacionim odnosima.

Član 9.

Naručilac može jednostrano raskinuti Ugovor ako utvrdi da Dobavljač robe ugovorne obaveze obavlja suprotno preuzetim obavezama iz ovog ugovora. U tom slučaju Dobavljač je obavezan snositi svu štetu nastalu raskidom ovog ugovora.

Član 10.


Eventualno nastale sporove pri realizaciji ovog ugovora ugovorne strane će rješavati sporazumno, u protivnom, ugovara se nadležnost Općinskog suda u Tuzli.

Član 11.

Ugovor stupa na snagu danom potpisivanja obje ugovorne strane.


Član 12.

Ugovor je sačinjen u četiri (4) primjerka od kojih svaka ugovorna strana zadržava po dva (2) primjerka.



Broj: 02-1674-9/22

Datum: 25. 7. 2022. godine



Broj: 246/22

Datum: 26. 07. 2022. godine